



● البه المأمور ●

وعلى مدى أسابيع طويلة حرصت على حضور هذه الجلسة تحت شمس القناطر الدافئة ، وأصبحت جزءاً من طاقم المدرسة ، أشترك معهم في مص القصب وأساهم معهم في ثمنه ، وتصورت أن المدرسة في إجازة طويلة للتحسينات ، ولكنى فوجئت ذات صباح بأن الهيئة كلها مشغولة بإعداد مواد الامتحان ، وعلمت أن الامتحان سيجرى في أسبوع بالتمام والكمال ، طيب .. أين التلاميذ ؟ أجبني الأستاذ حمد الله بأن التلاميذ موجودون في العنابر .

- يعنى همة في إجازة دلوقت ؟
- همة في إجازة على طول .
- من أول السنة ؟
- من أول ما فتحت المدرسة .
- أمال هيتمحنوا إزاي ؟
- ما حدش بيتمحن في حاجة ، احنا اللي بنكتب الأسئلة واحنا برضه اللي بنجواب ، واحنا اللي بنصحح والنجاح عندنا مية في المية كل سنة والمشايخ الاثنين بياخدوا حوافز .
- غريبة ، ومفيش أى نوع من التفتيش ؟
- فيه تفتيش مرة كل شهر ، بيجي الشيخ عبد الله من المصلحة يقعد معانا يمص قصب ، وياخدوا شيخ من الاثنين دول على البيت ويكون دابح له دكر بظ مزغط م اللي قلبك يحبه ، وهو